


端

魚

門

東

福子齋



...

...

...

...

...

胡伯玉先生訂正

潘黃門集

南城翁少麓梓

潘黃門集叙

武原胡震亨孝轅撰

有晉黃門郎潘岳集舊傳十卷近稍亡
逸完袞罕親友人呂錫侯結契遐年深
相賞誦凡散在四部者悉加聯綴緝茲
衆班用窺全豹雖復卷殺其四而體製
略肯亦既斐然時錫侯年甫二九頗擅

南州書樓藏書

徐湯殷整理

編列 字 號

年 月 日

敘
擲果之譽余調之曰君是潘之後身故
應有此撰述若白首有歸幸勿見累耳
未幾疔發死余赴唁之日撫棺歎曰呂
生呂生何悟善謔乃竟驗邪夫其孕性
澂朗挺藻清令臨哀能誅具體而微斯
固可得畧言也至于風儀神檢今也則
亡亭亭濯濯其狀難譬兼以家本素封

裘馬都麗東臯沃壤差擬閒居之樂申
以婚姻不殊戴侯之族故得衽服匹遊
則巷無居人履舄合坐則滿堂含睇足
使孟陽迴車太冲緝髮潘令不死允在
吾友而安仁既身陷極刑錫侯亦奄從
短運埋玉樹于玄壤委芳葩于糞土存
為世所艷異歿為世所惋愕古今一揆

不其惜乎既而血胤中絕生妻大歸總
惟罷設若敖之鬼長餒泉宮未啟射聲
之魄永滯余每步出西郊言經故園昔
日歌梁舞榭書帳談筵並晝竄蒼鼠宵
燭青燐春英被徑而游屐謝跡秋月吐
照而飛蓋絕景苟人必有心未嘗不煩
寃而噫氣者矣君死之五年客有銀是

集於武林者余傷其賦命蹇促屈彼壯
志僅托驥德以存姓名故聊因暇日援
筆論之披牘懷人恍兮在目迫而察之
眇焉靡矚不圖錫侯遂有此述若其叙
隲潘文勒成定論匪我思存請俟君子

潘岳傳

潘岳字安仁滎陽中牟人也祖瑾安平太守父茈琅
邪內史岳少以才穎見稱鄉邑號為奇童謂終賈之
儔也早辟司空太尉府舉秀才太始中武帝躬耕籍
田岳作賦以美其事岳才名冠世為眾所疾遂栖遲
十年出為河陽令負其才而鬱鬱不得志時尚書僕
射山濤領吏部王濟裴楷等並為帝所親遇岳內非
之乃題閣道為謔曰閣道東有大牛王濟鞅裴楷韜
和喬引足不得休轉懷令時以逆旅逐末廢農好淫

亡命多依。依奏敗亂法度，勅當除之。十里一官，攤使老小貧戶守之。又吏掌上依客舍收錢，岳上其議。朝廷從之。岳頻宰二邑，勤于政績，調補尚書度支郎。遷廷尉平，以公事勉楊駿輔政。高選吏佐，引岳爲太傅主簿。駿誅除名，初譙人公孫宏少孤，貧客田于河陽，善鼓琴，頗屬文。岳之爲河陽令，愛其才藝，待之甚厚。至是宏爲楚王瑋長史，專殺生之政。時駿綱紀皆當從坐，同署主簿朱振已就戮。岳其夕取急在外，宏言之。瑋謂之假吏，故得免。未幾選爲長安令，作西征

賦述所經人物，山水文請旨，詰辭多不錄。徵補博士，未召以母疾。輒去官，免尋爲著作郎，轉散騎侍郎。岳性輕躁，趨世利，與石崇等諂事賈謐。每候其出，與崇輒望塵而拜，搆慙懷之。文岳之辭也。謐二十四友，岳爲其首。謐晉書限斷，亦岳之詞也。其母數誚之曰：爾當知足而乾沒不已乎？而岳終不能改。既仕宦不達，乃作閑居賦，初芘爲瑯邪內史，孫秀爲小史，給岳而狡黠，自喜。岳惡其爲人，數撻辱之。秀常銜忿，及趙王倫輔政，秀爲中書令，岳于省內謂秀曰：孫令猶憶曠

昔周子谷曰中心藏之何日亡之岳于是自知不免俄而秀遂誣岳及石崇歐陽建謀奉淮南王允齊王問爲亂誅之夷三族岳將詣市與母別曰負阿母初被收俱不相知石崇已送在市岳後至崇謂之曰安仁卿亦復爾邪岳曰可謂白首同所歸岳金谷詩云投分寄石友白首同所歸乃成其識岳母及兄侍御史釋弟燕令豹司徒掾據據弟說兄弟之子已出之女無長幼一時被害唯釋子伯武逃難得免而豹女與其母相抱號呼不可解會詔原之岳美姿儀辭藻絕麗尤善爲哀誄之文少時常挾彈出洛陽道婦人遇之者皆連手縈繞投之以果遂滿車而歸時張載甚醜每行小兒以瓦石擲之委頓而反

潘黃門集目錄

卷一

賦一

西征賦

卷二

賦二

籍田賦

秋興賦

閑居賦

悼亡賦

懷舊賦 并序

寡婦賦 并序

卷三

賦三

登虎牢山賦

滄海賦

狹室賦

笙賦

相風賦

射雉賦 并序

螢火賦

河陽庭前安石榴賦 并序

橘賦 并序

蓮花賦

芙蓉賦

秋菊賦

卷四

卷四 詩四

關中詩十六首

為賈謐作贈陸機詩十一首

家風詩一首

於賈謐坐講漢書詩一首

送別王世胄詩二首

離合詩一首

詩五言

金谷集作詩一首

河陽縣作詩二首

在懷縣作詩二首

內顧詩二首

悼亡詩三首

哀詩一首

思子詩一首

閣柱謠一首

卷五

議頌歲贊訓誅

九品議
九品議
九品議

上客舍議

許由頌

荅新婚箴

故太常任府君畫贊

兩家銅人訓

楊荊州誄 并序

楊仲武誄 并序

夏侯常侍誄 并序

馬汧督誄 并序

卷六

誄 哀文 哀辭 碑 弔祭

世祖武皇帝誄

南陽長公主誄

皇女誄

太宰魯武公誄

宜城宣帝誄

庾尚書誄

哀文

哀文

潘黃門集卷之八目錄
景獻皇后哀策文

哀未逝文

為楊長文作弟仲武哀祝文

哭弟文

傷弱子辭 并序

金鹿哀辭

陽城劉氏妹哀辭

悲邢生辭

京陵女公主王氏哀辭

為任子咸妻作孤女澤蘭哀辭 并序

司空鄭衮碑 并序

荊州刺史東武戴侯楊使君碑

弔孟嘗君文

為諸婦祭庾新婦文

目錄終

潘黃門集卷第一

晉 東牟潘 岳著

明 河東呂兆禧校

賦一

西征賦

歲次玄枵月旅狔賓丙丁統日乙未御辰潘子憑軾
西征自京徂秦迺喟然嘆曰古往今來邈矣悠哉寥
廓忽恍化一氣而甄三才此三才者天地人道唯生
與位謂之大寶生有脩短之命位有通塞之遇鬼神

莫能要聖智弗能豫當休明之盛世今託菲薄之陋
質納旌弓於鉉台讚庶績於帝室嗟鄙夫之常累固
既得而患失無柳季之直道佐士師而三黜武皇忽
其升遐八音遏於四海天子寢於諒闇今百官聽於
冢宰彼負荷之殊重兮雖伊周其猶殆窺七貴於漢
庭疇一姓之或在無危明以安位祇居逼以示專陷
亂逆以受戮匪降禍之自天孔隨時以行藏遽與國
而卷舒苟蔽微以繆章患過辟之未遠悟山潛之逸
士卓長往而不反陋吾人之拘攣飄萍浮而蓬轉寮

位儻其隆替名節灌以隳落危素卯之累殼甚玄鷲
之巢幕心戰懼以兢悚如臨深而履薄夕獲歸於都
外宵未中而難作匪擇木以棲集黜林焚而鳥存遭
千載之嘉會皇合德於乾坤施秋霜之嚴威流春澤
之渥恩甄大義以明責反初服於私門皇鑿揆余之
忠誠俄命余以末斑牧疲人於西夏携老幼而入關
丘去魯而頽嘆季過沛而涕零伊故鄉之可懷疚聖
達之幽情矧匹夫之安土邈投身於鎬京猶犬馬之
戀主竊託慕於闕庭眷輦洛而掩涕思纏緜於墳塋

爾乃越平樂過街郵秣馬臯門稅駕西周遠矣姬德
興自高辛思文后稷厥初生民率西水滸化流岐
爾祚隆昌發舊邦惟新旋牧野而歷茲愈守柔以執競
夜申旦而不寐憂天保之未定惟泰山其猶危祀八
百而餘慶鑒亡王之驕淫竄南巢以投命坐積薪以
待然方指日而北盛人度量之乖舛何相越之遼迥
考土中於斯邑成建都而營築既定昇於郊廓遂鑽
龜而啓繇平失道而來遷繫二國而是祐豈時王之
無僻賴先哲以長懋望圉北之兩門感號鄭之紕惠

討子頹之樂禍尤闕西之效戾重戮帶以定襄弘大
順以霸世靈壅川而止關晉演義以獻說咨景悼以
迄巧政凌遲而彌季俾庶朝之構逆立兩王而干位
踰十葉以逮赧邦分崩而爲二竟橫噬於虎口輸文
武之神器澡孝水而濯纓嘉善名而在茲天赤子於
新安坎路側而瘞之亭有千秋之號子無七旬之期
雖勉勵於延吳實憐慟乎余慈眄山川以懷古悵攬
轡於中途虐項氏之肆暴坑降卒之無辜激秦人以
歸德成劉后之來蘇事洄沈而好還卒宗滅而身屠

經澠池而長想停余車而不進秦虎狼之強國趙侵
弱之餘燼超入險而高會杖命世之英藺耻東瑟之
偏鼓提西缶而接刃辱十城之虛壽奄咸陽以取雋
出申威於河外何猛氣之咆勃入屈節於廉公若四
體之無骨處智勇之淵偉方鄙吝之忿憎雖改日而
易歲無等級以寄言當光武之蒙塵致王誅於赤眉
異奉辭以伐罪初垂翅於迴谿不尤青以掩德終奮
翼而高揮建佐命之元勳振皇綱而更維登峻坂之
威夷仰崇領之差峩臯託墳於南陵文違風於北阿

蹇哭孟以審敗襄墨緣而授戈曾隻輪之不反練三
帥以濟河值庸主之矜慢殆肆叔於朝市任好綽其
餘裕獨引過以歸已明三敗而不黜卒凌晉以雪耻
豈虛名之可立良致霸其有以降曲峭而憐號託與
國於亡虞貪誘賂以賣鄰不及臘而就拘垂棘反於
故府屈產服於晉輿德不建而民無援仲雍之祀忽
諸我祖安陽言陟陝鄂行乎漫瀆之口憇乎曹陽之
墟美哉邈乎茲土之舊也固乃周召之所分二南之
所交麟趾信於關雎騶虞應乎鵲巢愍漢氏之剥亂

朝流亡以離析直酒天以大滌劫宮廟而遷迹俾萬
 乘之盛尊降遙思於犯役顧請旋於僭汎既獲許而
 中惕追皇駕而驟戰望王輅而縱適痛百寮之勤王
 咸畢力以致死外身首於鋒刃洞胷腋以流矢有褰
 裳以投岸或攘袂以赴水傷桴楫之福小撮舟中之
 掬指并曲沃而惆悵惜兆亂而兄晉枝末大而本披
 都偶國而禍結滅札飄其高厲委曹吳而成節何莊
 武之無耻從利開而義閉躡函谷之重阻看天險之
 襟帶跡諸侯之勇怯笑嬴氏之利害或開關以延

競遁逃以奔竄有嚙門而莫啟不窺兵於山外連雞
 互而不栖小國合而成大豈地勢之安危信人事之
 否泰漢六葉而拓畿縣弘農而遠關厭紫極之閑敞
 甘微行以遊盤長傲賓於柏谷妻靚貌而獻餐疇匹
 婦其已泰胡厥夫之繆官昔明王之巡幸固清道而
 後往懼銜檠之或變峻徒御以誅賞彼白龍之魚服
 挂豫且之密網輕帝重於天下奚斯漸之可長弔戾
 園於湖邑諒遭世之巫蠱探隱伏於難明委讒賊之
 趙虜加顯戮於儲貳絕肌膚而不顧作歸來之悲臺

徒望思其何補紛吾旣邁此全節今又繼之以盤桓
問休牛之故林感徵名於桃園發闕鄉而警策遡黃
卷以濟潼眺華岳之陰崖覲高掌之遺蹤憶江使之
反璧告亡期於祖龍不語恠以徵異我聞之於孔公
愠韓馬之大憝阻谷口以稱亂魏武赫以霆震奉義
辭以伐叛彼雖衆其焉用故制勝於廟算殫揚桴以
振塵繕瓦解而冰泮超遂遁而奔狄甲卒化爲京觀
倦狹路之迫隘軌崎嶇以低仰蹈秦郊而始關豁爽
愷宏壯黃壤千里沃野彌望華實紛敷桑麻條暢邪

界褒斜在濱汧隴寶雞前鳴甘泉後涌面終南而皆
雲陽跨平原而連嶠冢九峻截薛太一龍從吐清風
之颺反納歸雲之鬱蒼南有玄灞素滄湯井温谷北
有清渭濁涇蘭池周曲浸決鄭白之渠漕引淮海之
粟林茂有鄠之竹山挺藍田之玉班述陸海珍藏張
叙神臯隩區此西賓所以言於東主安處所以聽於
憑虛也可不謂然乎勁松彰於歲寒貞臣見於國危
入鄭都而抵掌義桓友之忠規竭股肱於昏主赴塗
炭而不移世善職於司徒緇衣弊而改爲履犬戎之

侵地疾幽后之詭惑舉僞烽以沮衆淫嬖以縱慝軍
敗戲水之上身死驪山之北赫赫宗周滅爲亡國又
有繼於此者異哉秦始皇之爲君也傾天下以厚葬
自開闢而未聞匠人勞而弗圖俾生理以報勤外離
西楚之禍內受牧豎之焚語曰行無禮必自及此非
其功歟乾坤以有親可久君子以厚德載物觀夫漢
高之興也非徒聰明神武豁達大度而已也乃實慎
終追舊篤誠款愛澤靡不漸恩無不逮率土且猶弗
遺而况於鄰里乎於斯時也乃摹寫舊豐製造新邑

故社易置枌榆遷立街衢如一庭宇相襲渾雞犬以
亂放各識家而兢入藉含怒於鴻門沛跼踖而來王
范謀害而不許陰授劍以約莊搦白刃以萬舞危冬
葉之待霜履虎尾而不噬寔要伯於子房樊抗憤以
卮酒咀瓠肩以激揚忽蛇變而龍攄雄霸上而高驤
增遷怒而橫撞碎玉斗其何傷嬰胷組於軹塗投素
車而肉袒踈飲餞於東都畏極位之盛滿金墉鬱其
萬雉峻嶮峭以繩直戾飲馬之陽橋踐宣平之清國
都中雜遝戶千人億華夷士女駢闐逼側展名京之

初儀卽新館而蒞職勵疲鈍以臨朝勗自強而不息
於是孟春爰謝德覽餘日巡省農功周行廬室街里
蕭條邑居散逸營宇寺者肆廩管庫蕞芮於城隅者
百不處一所謂尚冠修城黃棘鮮明建陽昌陰北煥
南平皆夷漫滌蕩亡其處而有其名爾乃階長樂登
未央汎太液凌建章縈馭娑而欵駘盪轡杵詣而轢
承光徘徊桂宮惆悵柏梁驚雉雒於臺陂狐兔窟於
殿傍何黍苗之離離而余思之芒芒洪鐘頓於毀廟
乘風廢而弗縣禁省鞠爲茂草金狄遷於霸川懷夫

蕭曹魏邴之相辛李衛霍之將御使則蘇屬國震遠
則張博望教敷而彛倫序兵舉而皇威暢臨危而智
勇奮投命而高節亮暨乎稔侯之忠孝淳深陸賈之
優游宴喜長卿淵雲之文子長政駿之史趙張三王
之尹京定國釋之之聽理汲長孺之正直鄭當時之
推士終童山東之英妙賈生洛陽之才子飛翠綏拖
鳴玉以出入禁門者衆矣或被髮左袵奮迅泥滓或
從容傳會望表知裏或著顯績而嬰時戮或有大才
而無責任皆揚清風於上列垂令聞而不已想珮聲

之遺響若鏗鏘之在耳嘗音風恭顯之任勢也乃熏
灼四方震耀都鄙而死之日曾不得與夫十餘公之
徒隸齒名才難不其然乎望漸臺而扼腕梟巨滑而
餘怒揖不疑於北闕軼檣里於武庫酒池鑿於商辛
追覆車而不悟曲陽僭於白虎化奢淫而無度命有
始而必終孰長生而久視武雄畧其焉在近惑文成
而溺五利佯造化以制作窮山海之奧秘靈若翔於
神島奔鯨浪而失水曝鱗骼於湯沙墮明月以雙墜
擢仙掌以承露于雲漢而上至致邛蒟其奚難惟余

欲而是恣縱逸游於角觝絡甲乙以珠翠忍生民之
減半勒東岳之虛美超長懷以遐念若循環而無賜
較面朝之煥炳次後庭之猗靡壯當熊之忠勇深辭
輦之明智衛鬢髮以光鑒趙輕體之織麗咸善立而
聲流亦寵極而褊侈津便門以右轉究吾境之所暨
掩細柳而撫劔快孝文之命帥周受命以忘身明戎
政之果毅距華蓋於壘和案乘輿之尊轡肅天威之
臨顏率軍禮以長擡輕踈霸之兒戲重條侯之倨貴
索杜郵其焉在云孝里之前號惘輟駕而容與哀武

安以興悼爭伐趙以徇國定廟筭之勝負扞矢言而弗納反推怨以歸咎未十里於遷路尋賜劍以刎首嗟主闇而臣嫉禍於何而不有窺秦墟於渭城冀闕緬其堙盡覓殿陛之餘基裁岐蛇以隱嶙想趙使之抱壁瀏睨楹以忼憤燕圖窮而荆發紛絕袖而自引筑聲厲而高奮狙潛鈇以脫臙據天位其若茲亦狼狽而可愍簡良人以自輔謂斯忠而鞅賢寄苛制於捐灰矯扶蘇於朔邊儒林填於坑穽詩書煬而爲煙國滅亡以斷後身刑輟以啟先商法焉得以宿黃犬

何可復牽野蒲變而成脯苑鹿化以爲馬假譏逆以大權鉗衆口而寄坐兵在頸而顧問何不早而告我願黔黎其誰聽惟請死而獲可逮子嬰之果決敢討賊以紓禍勢土崩而莫振作降王於路左蕭收圖以相劉料險易於衆寡羽天與而弗取冠沐猴而縱火貫三光而洞九泉曾未足以喻其高下也感市閭之蔽井嘆尸韓之舊處丞屬號而守關人百身以納贖豈生命之易投誠惠愛之洽著訐望之以求直亦余心之所惡思夫人之政術實幹時之良具苟明法以

釋憾不受才以成務弘大体以高貴非所望於蕭傅
造長山而慷慨偉龍顏之英主胸中豁其洞開群善
湊而必舉存威格乎天區亡墳掘而莫禦臨掩坎而
累抃步毀垣以延佇越安陵而無機諒惠聲之寂寞
弔爰絲之正儀伏梁劍於東郭訊景皇於陽丘奚信
諧而矜謔頌吳嗣於局下蓋發怒於一博成七國之
稱亂翻助逆以誅錯恨過聽而無討茲沮善而勸惡
比孝元於涓莖執奄尹以明貶褒夫君之善行廢園
邑以崇儉過延門而責成忠何辜而為戮陷社稷之

王章俾幽死而莫鞠怵淫嬖之凶忍勦皇統之孕育
張舅氏之姦漸貽漢宗以傾覆刺哀主於義域僭天
爵於高安欲法堯而承禪永終古而不刊瞰康園之
孤墳悲平后之專潔殃厥父之篡逆蒙漢恥而不雪
激義誠而引決赴丹爛以明節投宮火而焦糜從灰
燖而俱滅驚橫橋而旋軫歷救邑之南垂門礎石而
梁木蘭兮構阿房之屈竒䟽南山以表闕倬樊川以
激池役鬼傭其猶否矧人力之所為工徒斲而未息
義兵紛以交馳宗祧汙而為沼豈斯宇之獨隳由偽

新之九廟誇宗虞而祖黃驅吁嗟而妖臨搜佞哀以
拜郎誦六經以飾姦焚詩書而面墻心不則於德義
雖異術而同亡宗孝宣於樂遊紹衰緒以中興不獲
事於敬養盡加隆於園陵兆惟奉明邑號千人訊諸
故老造自帝詢隱王母之非命縱聲樂以娛神雖靡
率於舊典亦觀過而知仁憑高望之陽隈體川陸之
污隆開襟乎清暑之館遊目乎五祚之宮交渠引漕
激湍生風乃有昆明池乎其中其池則湯湯汗汗滉
漾瀾湯浩如河漢日月麗天出入乎東西且似暘谷

夕類虞淵昔豫章之名字披玄流而特起儀景星於
天漢列牛女以雙峙圖萬載而不傾奄摧落於十紀
擢百尋之層觀今數仞之餘址振鷺于飛鳧躍鴻漸
乘雲頡頏隨流澹淡灑灑驚波唼唼菱芡華蓮爛於
綠沼青蕃蔚乎翠漱伊茲池之肇穿肄水戰于於荒
服志勤遠以極武良無嬰所後福而菜蔬芼實水物
惟錯乃有瞻乎原陸在皇代而物土故毀之而又復
凡厥寮司既富而教咸帥貧情同整檝權故罟課獲
引繳舉效鰈夫有室愁民以樂徒觀其鼓柷迴綸灑

釣投網垂餌出入挺拔來往織經連白鳴榔厲響貫
鯁罝尾掣三牽兩於是弛青鯤於網鉅解頰鯉於黏
微華魴躍鱗素鱖揚鬣養人綏切鸞刀若飛應刃落
俎霍霍霏霏紅鮮紛其初載賓旅竦而遲御既餐服
以屬厭泊恬靜以無欲迴小人之腹爲君子之慮爾
乃端策拂茵彈冠振衣徘徊豐鎬如渴如饑心翹慙
以仰止不加敬而自祗豈三聖之敢夢竊十亂之或
希經始靈臺成之不日惟豐及鄯仍京其室庶人子
來神降之吉積德延祚莫二其一求惟此邦云誰之

職越可略聞而難臻其極子贏鮒以借父訓秦法而
著色耕讓畔以閑田沾姬化而棘蘇張喜而詐騁
虞芮愧而訟息由此觀之士無常俗而教有定式上
之遷下猶釣之埏埴雖五方雜會風流溷淆情農好
利不昏作勞密邇儉稅戎馬生郊而制者必割實存
操刀人之升降隨政隆替仗信則莫不用情無欲則
賞之不竊雖智不能理明不能察信此心也庶免失
戾如其禮樂 俟來哲

潘黃門集卷第二

晉 東牟潘岳著

明 河東呂兆禧校

賦二

藉田賦

伊晉之四年正月丁未皇帝親率羣后籍於千畝之
甸禮也於是乃使甸師清畿野廬掃路封人墳宮掌
舍設桓青壇蔚其嶽立兮翠幙黜以雲布結崇基之
靈址兮啟四塗之廣阡沃野墳腴膏壤平底清洛濁

渠引流激水遐阡繩直邇陌如矢葱牯服於縹輓兮
緝轅綴於黛耜儼儲駕於厯左兮俟萬乘之躬履百
僚先置位以職分自上下下具惟命臣襲春服之淒
淒接兮游車之鱗鱗微風生於輕幘兮織埃起於朱
輪森奉奉璋以階列兮望皇軒而肅震若湛露之晞
朝陽兮衆星之拱北辰也於是前驅魚麗屬車鱗萃
閭闔洞起參塗方駟常伯陪乘太僕秉轡后妃獻種
稂之種司農撰播殖之噐挈壺掌升降之節官正設
門閭之蹕天子乃御玉輦蔭華蓋衝牙鉾鎗綃紈綵

縹金根照耀以爛晃兮龍驥騰驤而沛艾表朱玄於
離坎飛青縞於震兌中華曄以發暉兮綵紛其繁會
五輅鳴鑾九旗揚旒瓊釵入葉雲罕晻藹簫管嘲嘈
以啾嘈兮鼓鞀砢隱以砰礚筍虞疑以軒翥兮洪鍾
越乎區外震震填填塵鷺連天以幸乎籍田蟬冕頽
以灼灼兮碧色肅其芊芊似夜光之剖荆璞兮若茂
松之依山巔也於是我皇乃降靈壇撫御耦游場染
屨洪縻在手三推而舍庶人終畝貴賤以班或五或
九于斯時也居靡都鄙民無華裔長幼雜還以交集

士女頽斌而咸戾被褐振裾垂髻總髻躡踵側肩倚
裳連袂黃塵爲之四合今陽光爲之潛翳動容發音
而觀者莫不抃舞乎康衢謳吟乎聖世情欣樂乎昏
作兮慮盡力乎樹藝靡推督而常勤兮莫之課而自
勵躬先勞以悅使兮豈嚴刑而猛制哉有邑老田父
或進而稱曰蓋損益隨時理有常然高以下爲基民
以食爲天正其末者端其本善其後者慎其先夫九
土之宜弗任四人之務不一野有菜蔬之色朝靡代
耕之秩無儲蓄以虞災徒望歲以自畢三季之衰皆

此物也今聖上昧旦丕顯夕惕若慄圖匱於豐防儉
於逸欽哉欽哉惟穀之恆展三時之弘務致倉廩於
盈溢固堯湯之用心而存救之要術也若乃廟祧有
事祝宗諏日簠簋普淖則此之自矣縮鬯蕭茅又於
是乎出黍稷馨香旨酒嘉粟宜其民和年登而神降
之吉也古人有言曰聖人之德無以加於孝乎夫孝
者天地之性人之所由靈也昔者明王以孝理天下
其或繼之者鮮哉希矣逮我皇晉實光斯道儀刑乎
於萬國愛敬盡於祖考故躬稼以供粢盛所以致孝

也勸稼以足百姓所以固本也能本而孝盛德大業
至矣哉此一役也而二美具焉不亦遠乎不亦重乎
敢作頌曰思樂甸畿薄採其茅大君戾止言藉其簋
農三推萬方以祉釋我公田實及我私我簋斯盛我簋
斯粢我倉如陵我庾如坻念茲在茲水言孝思民力普
存祝史正辭神祇攸歆逸豫無期一人有慶兆民賴之

秋興賦 并序

晉十有四年余春秋三十二始見二毛以太尉掾
兼虎賁中郎將寓直於散騎之省高閣連雲陽景

罕曜珥蟬冕而襲紈綺之士此焉遊處僕野人也
偃息不過茅屋茂林之下談話不過農夫田父之
客攝官承乏猥廁朝列夙興宴寢匪遑底寧譬猶
池魚籠鳥有江湖山藪之思於是染翰操紙慨然
而賦於時秋也故以秋興名篇辭曰

四時忽其代序兮萬物紛以迴薄覽花時之時育兮
察盛衰之所託感冬索而春敷兮嗟夏茂而秋落雖
未事之榮悴兮伊人情之美惡善乎宋玉之言曰悲
哉秋之爲氣也蕭瑟兮草木搖落而變衰慄慄兮若

潘黃門集卷二
在遠行登山臨水送將歸夫送歸懷慕徒之戀兮遠
行有羈旅之憤臨川感流以歎逝兮登山懷遠而悼
近彼四感之疚心兮遭一塗而難忍嗟秋日之可哀
兮諒無愁而不盡野有歸鴈際有翔隼游氛朝與稿
葉夕隕於時乃屏輕箠釋織絺藉莞蒨御袷衣庭樹
撼以灑落兮勁風戾而吹帷蟬噫噫以寒吟兮鴈飄
飄而南飛天晃朗以彌高兮日悠陽而浸微何微陽
之短晷覺良夜之方永月朦朧以含光兮露淒清以
凝冷熠燿粲於階闥兮蟋蟀鳴乎軒屏聽離鴻之晨

吟兮望流火之餘景宵耿介而不寐兮獨展轉於華
省歲悟時之適盡兮慨俛首而自省斑鬢彪以承弁
兮素髮颯以垂領仰羣雋之逸軌兮攀雲漢以遊騁
登春臺之熙熙兮珥金貂之炯苟趣舍之殊途兮庸
詎識其躁靜聞至人之休風兮齊天地於一指彼知
安而忘危兮固出生而入死行投趾於容跡兮殆不
踐而獲底闕側足以及泉兮雖猴猿而不履龜祀骨
於宗桃兮思反身於綠水且斂衽以歸來兮忽投綬
以高厲耕東臯之沃壤兮輸黍稷之餘稅泉涌湍於

石間兮菊揚芳乎崖溼濕秋水之涓涓兮玩游儵之
漈漈逍遙乎山川之阿放曠乎人間之世優哉游哉
聊以卒歲

閑居賦 弁序

岳嘗讀汲黯傳至司馬安四至九卿而良史題之
以巧宦之目未嘗不慨然廢書而歎曰嗟乎巧誠
有之拙亦宜然願常以爲士之生也非至聖無軌
微妙玄通者則必立功立事効當年之用是以資
忠履信以進德修辭立誠以立業少竊鄉曲之譽

忝司空太尉之命所奉之主卽太尉魯武公其人
也舉秀才爲郎逮事世祖武皇帝爲河陽懷令尚
書郎廷尉平今天子諒闇之際領太傅主簿府主
誅除名爲民俄而復官除長安令遷博士未召拜
親疾輒去官免自弱冠涉乎知命之年八徙官而
一進階再免一除名一不拜職遷者三而已矣雖
通塞有遇抑亦拙者之效也昔通人和長輿之論
余也固謂拙於用多稱多則吾豈敢言拙信而有
徵方今俊又在官百工惟時拙者可以絕意乎寵

滄黃門集卷二
榮之事矣太夫人在堂有羸老之疾尚何能違膝
下色養而屑屑從斗筲之役乎於是覽止足之分
庶浮雲之志築室種樹逍遙自得池沼足以漁釣
春稅足以代耕灌園鬻蔬以供朝夕之膳牧羊酤
酪以俟伏臘之費孝乎惟孝友於兄弟此亦拙者
之爲政也乃作閑居之賦以歌事遂情焉其辭曰
傲墳素之長圃步先哲之高衢雖吾顏之云厚猶內
愧於甯邁有道吾不仕無道吾不愚何巧知之不足
而拙艱之有餘也於是退而閑居于洛之埃身齊逸

民 綴下士陪京沂面郊後市浮梁黜以徑度靈
臺傑其高峙窺天文之秘奧究人事之終始其西則
有元戎禁營玄幙綠徽谿子巨黍異黍同機礮石雷
駭激矢直飛以先啓行曜我皇威其東則有明堂辟
雍清穆敞閑環林紫映圍海廻淵聿追孝以嚴父宗
文考以配天祗聖敬以明順養更老以崇年若乃背
冬陰謝陽施天子有事於柴燎以郊祖而展義張鈞
天之廣樂備千乘之萬騎服振振以齊玄管啾啾而
並吹煌煌乎隱隱乎茲禮容之壯觀而王制之巨麗

也兩學齊列雙宇如一右延國胄左納良逸祈祈生
徒濟濟儒術或升之堂或入之室教無常師道在則
是故髦士投紱名王懷璽訓若風行應如草靡此里
仁所以爲美孟母所以三遷也爰定我居築室穿池
長楊映沼芳枳樹籬遊鱗澆澗菡萏敷披竹木菡萏
靈果參差張公大谷之梨梁侯烏捍之柿周文弱枝
之棗房陵朱仲之李靡不畢殖三桃表櫻胡之別二
柰曜丹白之色石榴蒲陶之珍磊落蔓衍乎其側梅
杏郁棣之屬繁紫麗藻之餘華實照爛言所不能及

也菜則葱韭蒜芋青筍紫薑薑齊甘旨蓼葵芬芳藜
荷依陰時藿向陽綠葵含露白薤負霜於是凜秋暑
退熙春寒徃微雨新晴六合清朗太夫人乃御板輿
升輕軒遠覽王畿近周家園體以行和藥以勞宣嘗
膽載加舊痾有痊席長筵列孫子柳垂陰車結軌陸
摘紫房水挂頽鯉或宴於林或禊于汜昆弟斑白兒
童稚齒稱萬壽以獻觴咸一懼而一喜壽觴舉慈顏
和浮杯樂飲絲竹駢羅頓足起舞抗音高歌人生安
樂孰知其他退求已而自省信用薄而才劣奉周任

潘黃門集卷二
之格言敢陳力而就列幾陋身之不保尚奚擬於明
哲仰衆妙而絕思終優游以養拙

悼亡賦

伊良嬪之初降幾二紀以迄茲 兩門之不造備荼
毒而嘗之嬰生艱之至極又薄命而早終今芬華之
芳烈翩零落而從風神飄忽而不反形安得而久安
襲時服於遺質表鈿華於餘顏問筮賓之何期霄過
分而參闋詎幾時而見之目眷戀以相屬聽轍人之
唱筭來聲叫以連續聞冬夜之恒長何此夕之一促

且伉儷之片合垂明哲乎嘉禮苟此義之不謬乃全
身之半體吾聞喪禮之在妻謂制重而哀輕既履冰
而知寒吾今信其緣情夕既昏兮朝既清延爾族兮
臨後庭入空室兮望靈座帷飄飄兮燈熒熒燈熒熒
兮如故帷飄飄兮若存物未改兮人已化饋生塵兮
酒停樽春風兮泮冰初陽兮戒溫逝道遙兮浸遠嗟
煢煢兮孤魂

懷舊賦 并序

余十二而獲見於父友東武戴侯揚君始見知名

遂申之以婚姻而道元公嗣亦隆世親之愛不幸
短命父子凋殞余既有私艱且尋役於外不歷嵩
丘之山者九年于茲矣今而經焉慨然懷舊而賦
之曰

啓開陽而朝邁濟清洛以徑度晨風淒以激冷夕雪
嵩以掩路轍含冰以滅軌水漸軻以凝洎塗艱屯其
難進日晡晚而將暮仰晞歸雲俯鏡泉流前瞻太室
傍眺嵩丘巖巖雙表列列行楸旣興慕於戴侯亦悼
元而哀嗣墳纍纍以接隴栢森森以攢植何逝沒之

相尋曾舊草之未異余總角而獲見承戴侯之清塵
名余以國士眷余以嘉姻自祖考而隆好逮二子而
世親歡携手以偕老庶報德之有隣今九載而一來
空館闐其無人陳芟被於堂除舊圃化而爲薪步庭
廡以徘徊涕泣流而霑巾宵展轉而不寐驟長嘆以
達晨獨鬱結其誰語聊綴思於斯文

寡婦賦 弁序

樂安任子咸有韜世之量與余少而歡焉雖兄弟
之愛無以加也不幸弱冠而終良友旣沒何痛如

之其妻又吾姨也少喪父母適人而所天又殞孤
女藐焉始孩斯亦生民之至艱而荼毒之極哀也
昔阮瑀既沒魏文悼之並命知舊作寡婦之賦余
遂擬之以叙其孤寡之心焉其辭曰

嗟余生之不造兮哀天難之匪忱少伶俜而偏孤痛
忉怛以摧心覽寒泉之遺歎兮詠蓼莪之餘音長
感以求慕兮思彌遠而逾深伊女子之有行兮爰奉
嬪於高族承慶雲之光覆兮荷君子之惠渥願葛藟
之蔓延兮託微莖於樛木懼身微而施重兮若履冰

而臨谷遵義方之明訓兮憲女史之典戒奉蒸嘗以
效順兮供灑掃以彌載彼詩人之攸歎兮徒願言而
心悔何遭命之奇薄兮遘天禍之未悔榮華燁其始
茂兮良人忽以捐背靜闔門以窮居兮塊煢獨而靡
依易錦茵以苦席兮代羅幃以素帷命阿保而就列
兮覽巾箠以舒悲口嗚咽以失聲兮淚橫迸而霑衣
愁煩究其誰告兮提孤孩於坐側時曖曖以向昏兮
日杳杳以西匿雀群飛而赴楹兮雞登棲而斂翼歸
空館而自憐兮撫衾裯而嘆息思纏綿以瞀亂兮心

摧傷以愴惻曜靈曄而遄邁兮四節運而推移天疑
露以降霜兮木葉落而隕枝仰神宇之寥寥兮瞻靈
衣之披披退幽悲於堂隅兮進獨拜於林垂耳傾想
於疇昔兮目彷彿乎平素雖冥冥而罔覲兮猶依依
以思附痛存亡之殊制兮將遷神而安厝龍輻儼其
星加兮飛旒翩以啟路輪按軌以徐進兮馬悲鳴而
躅以潛靈邈其不反兮殷憂結而靡訴晞形影於几
筵兮馳精爽於丘墓自仲秋而在疚兮踰履霜以踐
水雪靡靡而驟落兮風瀏瀏而夙興雷泠泠而夜下

兮水濂濂以微凝意惚恍以遷越兮神一夕而九升
庶浸遠而哀降兮情惻惻而彌甚願假夢以通靈兮
日炯炯而不寢夜漫漫以悠悠兮寒淒淒以凜凜氣
憤薄而乘胸兮涕交橫而流枕亡蒐逝而永遠兮時
歲忽其道盡容貌僵以頓頓兮左右淒其相慙感三
良之殉秦兮其捐生而自引鞠稚子於懷抱兮嗟低
徊而不忍獨指景而心誓兮雖形存而志殞重曰仰
皇穹兮嘆息私自憐兮何極省微身兮孤弱願稚子
兮未識如涉川兮無梁若凌虛兮失翼上瞻兮遺像

下臨兮泉壤窈冥兮潛翳心存兮目想奉虛坐兮肅
清愬空宇兮曠朗廓孤立兮顧影塊獨言兮聽響願
影兮傷摧聽響兮增哀遙逝兮逾遠緬邈兮長乖四
節流兮忽代序歲云暮兮日西頽霜被庭兮風入室
夜既分兮星漢迴夢良人兮來遊若閭闔兮洞開但
驚悟兮無聞超愴况兮慟懷慟懷兮柰何言陟兮山
阿墓門兮肅肅修隴兮峨峨孤鳥嚶兮悲鳴長松萋
今振柯哀鬱結兮交集淚橫流兮滂沱蹈恭姜兮明
地詠栢舟兮清歌終歸骨於山足存憑託兮餘華要
吾君兮同穴之死矢兮靡佗

潘黃門集卷第三

晉 東牟潘 岳著

明 河東呂兆禧校

賦三

登虎牢山賦

辭京輦兮遙邁將遠遊兮東夏朝發軔兮帝墉夕結
軌兮中野憑修坂兮停車臨寒泉兮飲馬眷故鄉之
遼隔思紆軫以鬱陶步王趾以升降降凌汜水兮登
虎牢覽河洛之二川眺成平之雙臯崇嶺驪以崔萃

幽谷豁以寥寥路透迤以迫隘林廓落以蕭條爾乃
仰蔭嘉木俯藉芳卉青煙鬱其相望棟宇慄以鱗萃
彼登山而臨水因先喆之所哀矧去鄉而離家邈長
辭而遠乖望歸雲以歎息腸一日而九迴良勞者之
詠事爰寄言以表懷

滄海賦

徒觀其狀也則湯湯蕩蕩瀾漫形沈流沫千里懸水
萬文測之莫量其深望之不見其廣無遠不集靡幽
不通群谿俱息萬流來同含三河而納四瀆朝五湖

而夕九江陰霖則輿雲降雨陽霽則吐霞曜日煮水
而鹽成剖蚌而珠出其中有蓬萊名嶽青丘竒山阜
陵別島崐環其間其山則螺崖崔嵬崕峨降屈披滄
流以特起擢崇基而秀出其魚則有吞舟鯨鯢鰓鰒
龍鬚蜂目豺口狸班雉軀恠體異名不可勝圖其虫
獸則素蛟丹虬元龜靈鼉脩鼉巨鼈紫貝騰蛇玄螭
蚴虬赤龍夔蘊遷體改角推舊納新舉扶搖以抗翼
泛陽侯以濯鱗其禽鳥則鷗鴻鷓鴣鴛鴦鳩鵲朱背
煒熒縹翠葱菁詳察波浪之來往遍聽奔激之音響

力勢之所迴薄潤澤之所彌廣普天之極大橫率土而莫兩

狹室賦

歷甲第以遊觀旋陋巷而言歸伊余館之褊狹良窮弊而極微閣了戾以互掩門崎嶇而外扉室側戶以攢楹檐接柜而交棖當祝融之御節熾朱明之隆暑沸體怒其如鑠珠汗揮其如雨若乃重陰晦冥天威震曜漢滄沸騰叢溜奔激白竈爲之沉溺器用爲之浮漂彼處貧而不怨嗟生民之收難匪廣廈之足榮有切身之近患青陽萌而畏暑曰藏兆而懼寒獨味道而不悶喟然向其時歎

笙賦

河汾之寶有曲沃之懸匏焉鄒魯之珍有汶陽之孤篠焉若乃緜蔓紛敷之麗浸潤靈液之滋隅隈夷險之勢禽鳥棲集之嬉固衆作者之所詳余可得而畧之也徒觀其制噐也則審洪纖面短長別生斡裁熟簧設宮分羽經徵列商泄之反謚厭焉乃揚管攢羅而表列音要妙而含清各守一以司應統大魁以爲

笙基黃鍾以舉韻望儀鳳以擢形寫皇翼以插羽摹
鸞音以厲聲如鳥斯企翺翺岐岐明珠在味若銜若
垂脩槲內辟餘蕭外透駢田獵擺鯽鯨參差於是乃
有始泰終約前榮後悴激憤於今賤求懷乎故貴衆
滿堂而飲酒獨向隅而掩淚援鳴笙而將吹先嗚噦
以理氣初雍容以安暇中拂鬱以拂惛終鬼裁以蹇
諤又颯遯而繁沸罔浪孟以惆悵若欲絕而復肆慍
愾糴以奔邀似將放而中匱愀愴惻泮虺蒞煜熠汎
淫汜豔雪焯岌岌或案衍夷靡或竦勇剽急或既往
不反或已出復入徘徊布濩渙衍葦襲舞既蹈而中
輟節將撫而不及樂聲發而盡室歡悲音奏而列坐
泣搗織翮以震幽簧越土箎而通下管應吹噏以往
來隨抑揚以虛滿勃慷慨以慘亮顧躊躇以舒緩輟
張女之哀彈流廣陵之名散詠桃園之天天歌棗下
之纂纂歌曰棗下纂纂朱實離離死其死矣化爲枯
枝人生不能行樂死爲以虛謚爲爾乃引飛龍鳴鴟
雞雙鴻翔白鶴飛子喬輕舉明君懷歸荆王喟其長
吟楚妃歎而增悲夫其悽唳辛酸嚶嚶關關若離鴻

之鳴子也含啍啍諧雍雍喈喈若羣鷦之從母也郁
將劫悟泓宏融齋哇咬嘲哲壹何察惠訣厲悄切又
何磬折若夫時陽初暖臨川送離酒酣徒擾樂闋日
移踈客始闌主人微疲弛絃韜籥徹塤屏篴爾乃促
中筵携友生解嚴顏擢幽情披黃苞以授甘傾縹瓷
以酌醴光妓儼其階列雙鳳嘈以和鳴晉野悚而投
琴况齊瑟與秦箏新聲變曲竒韻橫逸縈纏歌鼓網
羅鐘律爛熳爚以放豔鬱蓬勃而氣出秋風詠於燕
路天光重於朝日大不踰宮細不過羽唱癸章夏導
揚韶武協和陳宋混一齊楚邇不逼而遠無攜聲成
文而節有序彼政有失得而化以醇薄樂所以移風
於善亦所以易俗於惡故絲竹之器未改而桑濮之
流已作惟簧也能研羣聲之清惟笙也能總衆清之
林衛無所措其邪鄭無所容其淫非天下之和樂不
易之德音其孰能與于此乎

相風賦

混元恍其初判二氣變而無窮動靡微而不兆象有
始而必終思先天而不違立成器以相風棲靈鳥於

帝庭似月離乎紫宮飛輕羽於竿抄若鸞翔乎雲中
廣莫興而習坎景風發而遡離閭闔揚而曲指明庶
起而東移

射雉賦 并序

余徙家於琅琊其俗實善射聊以講肄之餘暇而
習媒翳之事遂樂而賦之

涉青林以遊覽兮樂羽族之羣飛聿采毛之英麗兮
有五色之名翬厲耿介之專心兮參雄豔之姱姿
丘陵以經畧兮畫墳衍而分畿於是青陽告謝朱明

肇授靡木不滋無草不茂初莖蔚其曜新陳柯撼以
改舊天泱泱以垂雲泉涓涓而吐溜麥漸漸以擢芒
雉嚶嚶而朝雉眄箱籠以揭駟睨驍媒之變態奮勁
駁以角槎隣悍日以旁睠鶯綺翼而頰搗灼繡頸而
袞背鬱軒翥以餘怒思長鳴以効能爾乃擎揚拄翳
停僮葱翠綠栢參差文翻鱗次蕭森繁茂婉轉輕利
裘料疾以徹鑿表厭躡以密緻恐吾游之晏起慮原
禽之罕至甘疲心於企想分倦目以寓視何調翰之
喬傑邈疇類而殊才侯扇舉而清叫野聞聲而應媒

褰微罟以長跳已踉蹌而徐來摘朱冠之施赫敷藻
翰之陪鯁首葯綠素身控黼繪青鞞莎靡丹臆蘭綵
或蹶或啄時行時止斑尾揚翹雙角特起良遊呢啞
引之規裏應叱愕立擢身竦時捧黃間以密毅屬剛
挂以潛擬倒禽紛以迸落機聲振而未已山驚馬悍害
竦迅已甚越壑凌岑飛鳴薄廩擊牙低鏃心平望審
毛體摧落霍若碎錦逸羣之僞擅場挾兩櫟雌妬異
倏來忽往忌上風之餐切畏映目之儻朗屏發布而
累息徒心煩而伎憊伊義鳥之應機啾獲地以厲響

彼聆音而逕進忽交距以接壤形盈牕以美發紛首
頽而臆仰或乃崇墳夷靡農不易壠穉菽叢糝翳會
萃茸鳴雄振羽依於其冢降丘以馳敵雖形隱而草
動瞻挺穉之傾掉意恣躍以振踊嗽出苗以入場愈
情駭而悚望 鷹合而翳晶雉挾肩而旋踵欣念志
之精銳擬青顛而點項亦有目不步體邪睨旁剔靡
聞而驚無見自鷲周環迴復繚繞盤辟戾翳旋把縈
隨所歷彳亍中輟馥焉中鏘前剗重膺傍截疊翮若
夫多疑少決膽裂心狷內無固守出不交戰來若處

子去如激電闕閭蕪葉頓歷乍見於是筭分銖商遠
邇揆懸力騁絕伎如轉如軒不高不埤當味值曾裂
膝破紫夷險殊地馴籠異變曷不暇食夕不告勸昔
賈氏之如皋始解顏於一箭醜夫爲之改貌憾妻爲
之釋怨彼遊田之致獲咸乘危以馳馘何斯藝之安
逸嗟禽從其已豫清道而行擇地而住尾飾鑿而在
服肉登俎而永御豈唯皂隸此焉君舉若乃就盤流
遁放心不移忘其身恤司其雄雌樂而無節端操或
虧此則老氏之所誠而君子之所不爲

螢火賦

羽太陰之玄昧抱夜光以清遊類若飛電之宵逝噫
似移星之雲流動集陽暉灼如隋珠熠熠熒熒若丹
英之照葩飄飄頰頰若流金之在沙載飛載止光色
孔嘉無聲無臭明影暢遐軟朝霞於曠野庇一葉之
垂柯無干欲於萬物豈顧惜于網羅至夫重陰之夕
風雨曠暝萬物眩惑翩翩獨征竒姿燎朗在陰益榮
猶賢哲之處時時昏昧而道明若蘭香之在幽越群
臭而彌聲隨陰陽以飄飄非飲食之是營問蠹斯之

無忌希夷惠之清貞美微虫之琦瑋援形筆以爲銘
河陽庭前安石榴賦 并序
石榴者天下之奇樹九州之名果也是以屬文之
士叙而賦之

仰天路而高睇顧隣國以相望位莫微於宰邑館莫
陋于河陽雖小縣陋館可以遨遊實有嘉木曰安石
榴修條外暢榮幹內摎扶疎偃蹇冉弱紛柔於日暮
春告謝朱夏戒初新莖擢潤膏葉垂腹曾華曄以先
越含榮鶉其方敷丹暉綴於朱房細的點乎紅鬚煌

煌煒煒熠爚委累似琉璃之棲鄧林若珊瑚之映綠
水光明燐爛含丹耀紫味滋芳神色麗瓊蕊遙而望
之煥若隋珠耀重淵詳而察之灼若列星出雲間汁
房同模千子如一御渴療饑解醒止 既乃攢乎狹
庭載阨載褊土階無等肩牆惟淺壁衣蒼苔瓦被駁
蘚處悴而榮在幽彌顯其華可玩其實可珍羞于王
公薦于鬼神豈伊及陋用渝厥貞菓猶如之而况於人

橘賦 并序

余齋前橘樹冬夏再熟聊爲賦云爾

潘黃門集卷三
嗟嘉卉之芬華信氛氳而芬馥既蒼葺而菱蕤且參
差而櫛蠹已鬱鬱而冬茂亦離離而夏熟至如廣命
賓客歷覽遊觀三清既設百味星爛炫耀乎玉案照
曜於金盤故成都美其家園江陵重其千樹既見稱
於陸言亦標名乎馬賦

蓮花賦

偉玄澤之普衍嘉植物之並敷遊莫美于春臺華莫
盛于芙蓉於是惠風動冲氣和眇清池既蓮花舒綠
葉挺纖阿結綠房列紅葩仰含清液俯濯素波脩柯
皦日燭昆山其節之也晃若盈尺映藍田

芙蓉賦

陰蘭池之豐沼育沃野之上腴課衆榮而比觀煥卓
聳而獨殊神膺雲布宙宅星羅光擬燭龍色奪朝霞
丹輝拂紅飛鬚垂的斐技絕赫散煥熠燿流芬賦采
風靡雲旋布濩磊落曼衍天閑發清陽而增媚潤白
玉而加鮮

秋菊賦

此篇一作潘尼

垂采煒於芙蓉流芳越乎蘭林遊女望榮而巧笑鵷
鷖遙集而弄音若乃真人採其實王母接其醮或充
虛而養氣或增妖而揚娥既延期以永壽又蠲疾而
弭病

潘黃門集卷第三終

潘黃門集卷第四

晉 東牟潘 岳著

明 河東呂兆禧校

詩 四言

關中詩 十六首

於皇時晉受命既固三祖在天聖王紹祚德博化光
刑簡枉錯微火不戒延我寶庫

其一

蠢爾戎狄狡焉思肆虞我國青窺我利器岳岳牧慮殊

潘黃門集卷四
威懷理二將無專策兵不素肄

其二

翹翹趙王請徒三萬朝議惟疑未逞斯願桓桓梁征
高牙乃建旗蓋相望偏師作援

其三

虎視眈眈威彼好時素甲日曜玄幕雲起誰其繼之
夏侯卿士惟係惟處別營基時

其四

夫豈無謀戎士承平守有完郛戰無全兵鋒交卒奔

孰免孟明飛檄秦郊告敗上京

其五

周狗師令身膏氏斧人之云亡貞節克舉盧播違命
投畀朔土爲法受惡誰謂荼苦

其六

哀此黎元無罪無辜肝腦塗地白骨交衢夫行妻寡
父出子孤俾我晉民化爲狄俘

其七

亂離斯瘼日月其稔天子是矜扞食晏寢主憂臣勞

孰不祇慄愧無獻納尸素以甚

其八

皇赫斯怒爰整精銳命被上谷指日遄逝親奉成規
稜威遐厲首陷中亭揚聲萬計

其九

兵固詭道先聲後實聞之有司以萬為一紂之不善
我未之必虛晶滿德繆彰甲吉

其十

雍門不啟陳汧危偏觀逐虎奮感恩輸力重圍克解

危城載邑豈曰無過功亦不測

其十一

情固萬端于何不有紛紜齊萬亦孔之醜曰納其降
曰梟其首疇真可掩孰偽可久

其十二

既徵爾辭既蔽爾訟當乃明實否則證空好爵既靡
顯戮亦從不見竇林伏尸漢邦

其十三

周人之詩寔曰采薇北難獫狁西患昆夷以古况今

何足曜威徒愍斯民我心傷悲

其十四

斯民如何荼毒于秦師旅既加饑饉是因瀉疫淫行
荆棘成榛絳陽之粟浮於渭濱

其十五

明明天子視民如傷申命群司保我封疆靡暴於衆
無陵于強惴惴寡弱如熙春陽

其十六

為賈謐作贈陸機十一首

肇自初創二儀細緼粵有生民伏羲始君結繩闡化
八象成文茫茫九有區域以分

其一

神農更王軒轅承紀畫野離疆爰封衆子夏殷既襲
宗周繼祀縣縣瓜硤六國互峙

其二

強秦兼并吞滅四隅子嬰面櫬漢祖膺圖靈獻微弱
在涅則渝三雄鼎足孫啟南吳

其三

南吳伊何僭號稱王大晉統天仁風遐揚僞孫銜璧
奉土歸疆婉婉長離凌江而翔

其四

長離云誰咨爾陸生鶴鳴九臯猶載厥聲况迺海隅
播名上京爰應旌招撫翼宰庭

其五

儲王之選實簡惟良英英朱鸞來自南岡曜藻崇正
玄冕丹裳如彼蘭蕙載採其芳

其六

潘岳作鎮輔我京室旋友桑梓帝弟作弼或云國臣
清塗攸失吾子洗然恬澹自逸

其七

廊廟惟清俊又是延擢應嘉舉自國而遷齊鸞羣龍
光讚納言優游省闕珥筆華軒

其八

昔余與子縉綬東朝雖禮以賓情同友僚嬉娛絲竹
撫鞞舞韶修日朗月携乎逍遙

其九

自咸離群二周於今雖簡其面分著情深子其超矣
實慰我心發言為詩俟望好音

其十

欲崇其高必重其層立德之柄莫匪安恒在南稱北
度北則橙崇子鋒穎不頽不崩

其十一

家風詩

縮髮縮髮髮亦髮止日祗日祗敬亦慎止靡尊靡有
受之父母鳴鶴匪和析薪弗荷隱憂孔疚我堂靡稱

義方既訓家道頽頽豈敢荒寧一日三省

於賈謐坐講漢書

治道在儒弘儒由人顯允魯侯文質彬彬筆下搗藻
席上敷珍前疑惟辨舊史惟新惟新爾史既辨爾疑
延我寮友講此微辭

送別王世胄

一作送
王堪

堪為成都王軍司馬岳送至北印別作詩
微微髮膚受之父母我我王侯中外之首子親伊姑
我父唯舅

又

朱鑣既揚四轡既整駕言饑行告辭芒嶺情有遷延
日無餘影廻轅南翔心焉北騁

離合詩

佃漁始化人民穴處意守醇樸音應律呂思桑梓被
原卉木在野錫鸞未設金石弗舉揚害咎蠲消吉德
流曾點谷可安奚作棟宇容媯然以喜焉懼外侮熙
神委命已求多祐姬嘆彼季末口出擇語誰能墨誠
言喪厥所難壟畝之諺龍潛巖阻豈義崇亂少長失

叙甚

詩五言

金谷集作詩

王生和鼎實石子鎮海沂親友各言邁中心悵有違
何以叙離思携手游郊畿朝發晉京陽夕次金谷湄
廻谿縈曲阻峻坂路威夷綠池泛淡淡青柳何依依
濫泉龍麟澗激波連珠揮前庭樹沙棠後園植烏桺
靈囿繁石榴茂林列芳梨飲至臨華沼迷坐登隆坻
玄醴染朱顏但翹杯行遲揚桴撫靈鼓簫管清且悲

春榮誰不慕歲寒良獨希投分寄石友白首同所歸
河陽縣作 二首

微身輕蟬翼弱冠忝嘉招在疚妨賢路再升上宰朝
猥荷公叔舉連陪廁王僚長嘯歸東山擁耒耨時苗
幽谷茂織葛峻巖敷榮條落英隕林趾飛莖秀陵橋
卑高亦何當升降在一朝徒恨良時泰小人道遂消
譬如野田蓬幹流隨風飄昔倦都邑遊今掌河朔徑
登城眷南顧凱風揚微綃洪流何浩蕩脩芒鬱岩堯
誰謂晉京遠宰邇人實遠誰謂宰邑輕令名患不劬

人生天地間百年孰能要歛如敲石火瞥若截道颿
齊都無遺聲桐鄉有餘謔福謙在純約害盈在矜驕
雖無君人德祝民應不忉

其一

日夕陰雲起登城望洪河川氣冒山嶺驚湍激岩阿
歸鴈映蘭疇游魚動圓波鳴蟬厲寒音時菊耀秋華
引領望京室南路在伐柯大夏緬無覲崇芑鬱嵯峨
總總都邑人擾擾俗化訛依水類浮萍寄松似懸蘿
朱博糾舒慢楚風被瑯琊曲蓬何以直託身依叢麻

黔黎竟何常政成在民和位同卑父邑愧無子賤歌
豈敢陋微官但恐忝所荷

其二

在懷縣作 二首

南陸迎修景朱明送末垂初伏啟新節隆暑方赫曦
朝相慶雲興夕遲白日移揮汗辭中宇登城臨清池
涼飈自遠集輕襟隨風吹靈囿曜華果通衢列高椅
瓜瓞蔓長苞薑芋紛廣畦稻栽肅芊芊黍苗何離離
堯薄之時用位微名日卑驅役宰兩邑政績竟無施
自洩違京輦四載迄於斯器非廊廟姿屢出固其宜
徒懷越鳥志眷戀想南枝

其三

春秋代遷逝運紛可喜寵辱易不驚戀本難爲思
我來冰未泮時暑忽隆熾感此還期淹歎彼年徃馬
登城望郊甸游目歷朝市小國寡民務終日寂無事
白水過庭激綠槐夾門植信美非吾上祇攬懷歸志
眷然願鞏洛山川邈離異願言旋舊鄉畏此簡書忌
祇奉社稷守恪居處職司

其二

內顧詩 二首

靜居懷所歡登城望四澤春草鬱青青桑柘何奕奕
芳林振丹榮淶水激素石初征冰未泮忽馬振絺綌
漫漫三千里迢迢遠行客馳情戀朱顏寸陰過盈尺
夜愁極清晨朝悲終日夕山川自悠永願言良不獲
別類訴歸期雲沉不可釋

其一

別類二句玉臺作引領
訊歸雲沈思不可釋

獨悲安所慕人生若朝露綿邈寄絕域眷戀想平素

爾情既來追我心亦還顧形體隔不達精爽交中路
不見山下松隆冬不易故不見澗邊柏歲寒守一度
無謂希見踈在遠分彌固

其二

悼亡詩 三首

荏苒冬春謝寒暑忽流易之子歸窮泉重壤永幽隔
私懷誰克從淹留亦何益餽俛恭朝命迴心反初役
望廬思其人入室想所歷幃屏無髮髻翰墨有餘跡
流芳未及歇遺挂猶在壁悵恍如或存周惶忡驚惕

清華日集卷四
如彼翰林鳥雙栖一朝隻如彼游川魚比日中路析
春風綠隙來晨雷承簷滴寢息何時忘沉憂日盈積
庶幾有時衰莊缶猶可擊

其一

皎皎窓中月照我室南端清商應秋至溽暑隨節闌
凜凜涼風升如覺夏衾單豈曰無重纊誰與同歲寒
歲寒無與同朗月何朧朧展轉盼枕席長篔簹牀空
牀空委清塵空虛來悲風獨無李氏靈髮髯覩爾容
撫衿長歎息不覺淚霑胸霑胸安能已悲懷從中起

寢興目存形遺音猶在耳上慙東門吳下愧蒙莊子
賦詩欲言志此志難具紀命也可奈何長戚自令鄙

其二

曜靈運天機四節代遷逝嗟嗟朝露凝烈烈夕風厲
奈何悼淑儂儂容永潛翳念此如昨日誰知已卒歲
改復從朝政衷心寄私制茵幃張故房朔望臨爾祭
爾祭詎幾時朔望忽復盡衾裳一綫撤千載不復引
亶亶暮月周戚戚彌相愍悲懷感物來泣涕應情隕
駕言陟東阜望墳思紆軫徘徊墟墓間欲去復不忍

徘徊不忍去徒倚步踟躕落葉委埏側枯荻帶墳隅
孤魂獨笑笑安知靈與無投心遵朝命揮涕強就車
誰謂帝官遠路極悲有餘

其三

哀詩

漉如葉落樹邈若雨絕天雨絕有歸雲葉落何連山
時氣冑岡領長風鼓松栢堂虛聞鳥聲室暗如日夕
晝愁掩逮昏夜思忽終昔展轉獨悲窮泣下沾枕席
人居天地間飄若遠行客先後詎能幾誰能弊金石

思子詩

造化甄品物天命代虛盈柰何念稚子懷竒隕幼齡
追想存髮鬢感悼傷中情一往何時還千載不復生

閣柱誼

世說作和嶠鞅裴楷鞅
王濟別騶不得休云

閣東有大牛王濟鞅裴楷鞅和嶠刺促不得休

潘黃門集卷第五

晉 東牟潘 岳著

明 河東呂兆禧校

議 頌 箴 贊 訓 誅

九品議

天生蒸民而樹之君使司牧之勿失其性君不獨治
於是乎建牧立監陳其輔佐故曰天工人其代之然
則高官厚祿非明崇賢所以興治卑位下役非為鄙
愚所以供職雖或開榮辱之門有爭競之弊而百王

莫之能易者此道不可以二故也方今天下隆平四海攸同薦賢達善各以類進夫觀民宣化爲治之本雖實小邑猶須其人又中正之身優劣懸殊苟知人者智則不知者謬矣莫如達官各舉其屬萬嶽九列朝所取信郡守雖輕有刺史薦舉之當否實司其事考績累名施黜陟焉進賢受賞不進賢甘戮沮勸既明爲人自爲謀庶公道大行而私謁息矣

上客舍議

謹按逆旅久矣其所由來行者賴以頓止居者薄收其直交易貿遷各得其所官無役賦因人成利惠加百姓而公無末費語曰許由辭帝堯之命而舍於逆旅外傳曰晉陽處父遇甯戚於逆旅魏武皇帝亦以爲宜其詩曰逆旅整設以通商賈然則自堯至今未有不得客舍之法唯商鞅尤之固非聖世所言也方今四海會同九服納貢八方翼翼公私滿路近畿輻輳客舍亦稠冬有溫廬夏有涼蔭芻秣成行器用取給疲牛必投乘涼近進發福駕鞍皆有所聒又諸劫盜皆起於迥絕止乎人衆十里蕭條則奸軌生心連

陌接館則寇情震懾且聞聲有救已發有追不救有
罪不追有戮禁暴捕亡恒有司存凡此皆客舍之益
而官攤之所乏也又行者貪路告糴炊爨皆以昏晨
盛夏晝熱又兼星夜既限早閉不及攤門或避晚關
迸逐路隅祇是慢藏誨盜之原苟以客舍多敗法教
官守棘攤獨復何人彼河橋孟津解券輸錢高第賢
察數入校出品郎兩岸相檢猶懼或失之故懸以祿
利許以功報今賤吏疲人獨專攤稅管開閉之權籍
不校之勢此道路之蠹奸利所殖也率歷代之舊俗
獲行留之懽心使客舍灑掃以待征旅擇家而息豈
非衆庶顛顛之望

許由頌

邈哉許公執真履貞辭堯天下抱樸隱形川停岳峙
澹泊無營棲遲高山與世靡爭虛薄忝任來宰斯城
愧無惠化報產之政峩峩治所樂慕景名登箕逍遙
來過暮庭通於時憲頃筐不盈恨無旨酒奠公之靈
死而不朽公其有榮聊述雅美揚公馨聲

荅新婚箴

清黃門集卷五
女實存色男實好德德在正色色在不惑故新舊兼
弘義由理得君子過慮愛已明箴防微測微文麗旨
深敬納嘉誨敢酬德音

故太常任府君畫贊

堂堂我君鑒象開慶逸德宜猷含真履素味道無悶
守終純固弓與爰集撫翼清舉翰飛公庭龍升天路
初長方國流化千里遂管秘籍辨章舊史入登常伯
出作卿士外內惟允庶績咸理中節目新令聞不已
濟濟儒林翼翼國子

兩家銅人訓

言之有減託乎多士言之不減絕之由已無曰莫傳
宣于四海無曰莫聞響振萬里樞機之發榮辱之徵
怨豈在大纖介是興

楊荊州誄

并序

維咸寧元年夏四月乙丑晉故折衝將軍荊州刺
史東武戴侯榮陽楊使君薨嗚呼哀哉夫天子建
國諸侯立家選賢與能政是以和周賴尚父殷憑
太阿矯矯楊侯晉之爪牙忠節克明茂績維嘉將

滄黃門集卷五
四
宏王畧肅清荒遐降年不永玄首未華銜恨沒世
命也柰何嗚呼哀哉自古在昔有生必死身沒名
垂先哲所躋行以號彰德以述美敢託旒旗爰作
斯誄其辭曰

邈矣遠祖系自有周昭穆繁昌枝庶分流族始伯喬
氏出楊侯奕世不顯允迪大猷天厭漢德龍戰未分
伊君祖考方事之殷烏則擇木臣亦簡君投心外朝
策名委身奮躍淵塗跨騰風雲或統驍騎或據領軍
篤生戴侯茂德繼期纂戎洪緒克構堂基弱冠味道

無兢惟時孝實蒸蒸友亦怡怡多才豐藝彊記洽聞
目睇毫末心筭無垠草隸無善尺牘必珍足不輟行
手不釋文翰動若飛紙落如雲學優則仕乃從王政
散璞發輝臨軹作令化行邑里惠洽百姓越登司官
肅我朝命惟此大理國之憲章君蒞其任視民如傷
庶獄明慎刑辟端詳聽參臯呂稱侔于張改授農政
于彼野王倉盈庾億國富兵強煌煌文后鴻漸晉室
君以兼資參戎作弼用錫土宇膺茲顯秩青社白茅
赤朱其祓魏氏順天聖皇受終烈烈揚侯實統禁戎

清黃門集卷五
司管閭闔清我帝宮苛慝不作穆如和風謂督勲勞
班命彌崇茫茫海岱玄化未周滔滔江漢疆場分流
秉文兼武時惟楊侯既守東莞乃牧荊州折衝萬里
對揚王休聞善若驚疾惡如讎示威示德以伐以柔
吳夷凶侈僞師畏逼將乘讎釁席卷南極繼褰糧盡
神謀不忒君子之過引曲推直如彼日月有時則食
負執其咎功讓其力亦既旋旆爲法受黜退守丘營
杜門不出游目典墳縱心儒術祈祈縉紳升堂入室
靡事不洽無疑不質位貶道行身窮志逸弗慮弗圖

乃寢乃疾昊天不弔景命其卒嗚呼哀哉子囊佐楚
遺言城郢史魚諫衛以尸顯政伊君臨終不忘忠敬
寢伏床蓐念在朝廷朝達其辭夕隕其命聖王嗟悼
寵贈衾綖誅德策勲考終定謚羣辟動懷邦族揮淚
孤嗣在疚寮屬含悴赴者同哀路人增唏嗚呼哀哉
余以頑蔽覆露重陰仰追先考執友之心俯感知已
識達之深承諱忉怛涕淚霑襟豈忘載奔憂病是沈
在疾不省於亡不臨舉釐增慟哀有餘音嗚呼哀哉

楊仲武誄

并序

楊經字仲武滎陽宛陵人也中領軍肅侯之曾孫
荊州刺史戴侯之孫東武康侯之子也八歲喪父
其母鄭氏光祿勳密陵成侯之元女操行甚高恤
養幼孤以保久夫家而免諸艱難戴侯康侯多所
論著又善草隸之藝子以妙年之秀固能總覽義
旨而執式模範矣雖舅氏隆盛而孤貧守約心安
陋巷體服菲薄余甚竒之若乃清才雋茂盛德日
新吾見其進未見其已也既籍三葉世親之恩而
子之姑予之伉儷焉往歲卒於德官里喪服周次

綢繆累月苟人必有心此亦款誠之至也不幸短
命春秋二十九元康九年夏五月己亥卒嗚呼哀
哉乃作誄曰

伊子之先奕葉熙隆惟祖惟曾載揚休風顯考無祿
早終名器雖光勳業未融篤生吾子誕茂淑姿克岐
克嶷知章知微鉤深探賸味道研幾匪直也人邦家
之輝子之邁閔曾未齒髫如彼危根當此衝飈德之
休明靡幽不喬弱冠流芳雋聲清劭爾舅惟榮爾宗
惟瘁幼秉殊操違豐安匱撰錄先訓俾無隕墜舊文

新藝罔不必肄播揚之穆有自來矣矧乃今日慎終
如始爾休爾戚如實在已視予猶父不得猶子敬亦
既篤愛亦既深雖殊其年實同厥心日昃景西望子
朝陰如何短折背世湮沈嗚呼哀哉寢疾彌留守茲
孝友臨命忘身願戀慈母哀哀慈母痛心疾首嗷嗷
同生悽悽諸舅春蘭擢莖方茂其華荆實擬璞將剖
於和含芳委曜毀璧摧柯嗚呼仲哉痛哉柰何德官
之艱同次外寢惟我與爾對筵接枕自時迄今曾未
盈稔姑姪繼隕何痛斯甚嗚呼哀哉被帙散書屢覩
遺文有造有寫或草或真執玩周復想見其人紙勞
于手涕霑于襟龜筮既襲埏隧旣開痛矣楊子與世
長乖朝濟洛川夕次山隈歸鳥頡頏行雲徘徊臨穴
永訣撫襯盡哀遺形莫紹增慟余懷魂兮往矣梁木
實摧嗚呼哀哉

夏侯常侍誄

并序

夏侯湛字孝君譙國譙人也少知名弱冠辟太尉
府掾賢良方正徵爲太子舍人尚書郎野王令中
書郎南陽相家艱乞還塋之選爲太子僕未就命

而世祖崩天子以爲散騎常侍從斑列也春秋四十有九元康元年夏五月壬辰寢疾卒于延喜里第嗚呼哀哉乃作誄曰

禹錫玄珪實曰文命克明克聖光啓夏政其在於漢邁勳惟嬰思弘儒業小大雙名顯祖曜德牧兗及荆父守淮岱治亦有聲英英夫子灼灼其雋飛辯摘藻華繁玉振如彼隋和發彩流潤如彼錦續列素點絢人見其表莫測其裏徒謂吾生文勝則史心照神交唯我與子且歷少長逮觀終始子之承親孝齊閔參

子之友悌和如瑟琴事君直道與朋信心雖寔唱高猶賞爾音弱冠厲翼羽儀初升公弓旣招皇輿乃徵內贊兩官外宰黎蒸忠節允著清風載興泱彼樂都寵子惟王設官建輔妙簡邦良用取喉舌相爾南陽惠訓不倦視人如傷乃眷北顧辟祿延喜余亦偃息無事明時疇昔之游二紀于茲斑白携手何歡如之居吾語汝衆實勝寡人惡傷異俗疵文雅執戟疲揚長沙投賈無謂爾高耻居物下子乃洗然變色易容慨然歎曰道固不同爲仁由已匪我求蒙誰毀誰譽

何去何從莫涅匪緇莫磨匪磷子獨正色居屈志伸
雖不爾以猶致其身獻替盡觀媚茲一人讜言忠謀
世祖是嘉將僕儲皇奉轡承華先朝末命聖列顯加
入侍帝闈出光厥家我聞積善人降之吉宜享遐紀
長保天秩如何斯人而有斯疾曾未知命中年隕卒
嗚呼哀哉惟爾之存匪爵而貴甘食美服重珍兼味
臨終遺誓永錫爾類歛以時襲殯不簡噐誰能拔俗
生盡其養孰是養生而薄其葬淵哉若人縱心滌暢
傑操明達困而彌亮枢輅既祖容體長歸存亡未訣
逝者不追望子舊車覽爾遺衣幅抑失聲迸涕文揮
非子爲慟吾慟爲誰嗚呼哀哉日往月來暑退寒襲
零露霑凝勁風淒急慘爾其傷念我良執適子舊館
撫孤相泣前思未弭後感仍集積悲滿懷逝矣安及
嗚呼哀哉

馬汧督誄

并序

惟元康六年秋九月十五日晉故督守關中侯扶
風馬君卒嗚呼哀哉初雍部之內屬羗反未弭而
編戶之民又肆逆焉雖王旅致討終於殄滅而蜂

蠱有毒驟失小利俾百姓流亡頻於塗炭建威喪
元於好時州伯宵遯乎大谿若夫偏師裨將之隕
首覆軍者蓋以十數剖符專城紆青拖墨之司奔
走失其守者相望於境秦隴之僭輩吏爲魁旣已
襲汧而館其縣子以眇爾之身介乎重圍之裏率
寡弱之衆據十雉之城羣民如蝟毛而起四面雨
射城中城中鑿穴而處負戶而汲木石將盡樵蕪
之竭芻蕘罄絕於是乎發梁棟而用之芻以鐵鑿
機關旣縱縲而又升焉爨陳焦之麥柿枳楠之松

用能薪芻不匱人畜取給青煙傍起櫪馬長鳴凶
醜駭而疑懼乃闕地而攻子命穴塹實壺鑪瓶甒
以偵之將穿響作因焚積火薰之潛氏殲焉久之
安西之救至竟免虎口之厄全數百萬石之積文
契書于幕府聖朝疇咨進以顯秩殊以幢蓋之制
而州之有司乃以私隸數口穀十斛考訊吏兵以
檟楚之辭連之大將軍屢抗其疏曰敦固守孤城
獨當群寇以少禦衆載離寒暑臨危奮節保穀全
城而雍州從事忌敦勲效極推小疵非所以褒獎

元功宜解敦禁劾假授詔書遽許而子固已下獄
發憤而卒也朝廷聞而傷之策書曰皇帝咨故督
守關中侯馬敦忠勇果毅率屬有方固守孤城危
逼獲濟寵秩未加不幸喪亡朕用悼焉今追贈牙
門將軍印綬祠以少牢蒐而有靈嘉茲寵榮然潔
士之聞穢其庸致思乎若乃下吏之肆其噤害則
皆妬之徒也嗟乎妬之欺善抑亦質首之讎也語
曰或戒其子慎無爲善言固可以若是悲夫昔梁
丘之戰縣賁父御魯莊公馬驍敗績賁父曰他日

未嘗敗績而今敗績是無勇也遂死之墜人浴馬
有流矢在白肉公曰非其罪也乃誅之漢明帝時
有司馬叔持者白日于都市手劒父讎視死如歸
亦命史臣班固爲之誄然則忠孝義烈之流慷慨
非命而死者綴辭之士未之或遺也天子旣已策
而贈之微臣託乎舊史之末敢闕其文哉乃作誄

曰

知人未易人未易知嗟茲馬生位末名卑西戎猾夏
乃奮其竒保此沂城救我邊危彼邊奚危城小粟富

子以眇身而裁其守兵無加衛墉不增築焚焚群狄
豺虎競逐鞏更恣睢潛時官寺齊萬虓闕震驚台司
聲勢沸騰種落煽熾旌旗電舒戈矛林植彤珠星流
飛矢雨集惴惴士女號天以泣爨麥而炊負戶以汲
累卵之危倒懸之急馬生爰發在險彌亮精貫白日
猛烈秋霜稜威可厲懦夫克壯霑恩撫循寒士挾纊
蠢蠢犬牟阻衆陵寡潛隧密攻九地之下愜愜窮城
氣若無假昔命懸天今也惟馬惟此馬生才高智贍
偵以甓壺剌以長斬鍾未見鋒火以起燔薰戶滿窟

措穴以斂木石匱竭其稗空虚矚然馬生傲若有餘
蜀梁爲礪柿松爲芻守不乏械櫜有鳴駒哀哀建威
身伏斧質悠悠烈將覆軍喪器我釋我徒顯誅我帥
以生易死疇克不二聖朝西顧關右震惶分我沂庾
化爲寇糧實賴夫子思暮彌長咸使有勇致命知方
我雖未學聞之前典十世宥能表墓旌善思人愛樹
茸棠勿翦矧乃吾子功深疑淺兩造未具備隸蓋鮮
就是勲庸而不獲免猾哉部司其心反側劉善害能
醜正惡直牧人透進自公退食聞穢鷹揚曾不戢翼

忘爾大勞猜爾小利苟莫開懷于何不至慨慨馬生
碌碌高致發憤囹圄沒而猶眠嗚呼哀哉安平出奇
破齊克完張孟運籌危趙獲安汧人賴子猶彼談車
如何吝嫉挫之筆端傾倉可賞矧云私粟狄隸可頒
况曰家僕剔子雙龜貫以三木功存汧城身死汧獄
九爾同圍心焉摧剥扶老携幼街號巷哭嗚呼哀哉
明明天子旌以殊恩光光寵賚乃牙其門司勳班爵
亦兆後昆死而有靈庶尉冤竟嗚呼哀哉

潘黃門集卷第五終

潘黃門集卷第六

晉 東牟潘 岳著

明 河東呂兆禧校

誄 哀文 哀辭 碑 弔祭

世祖武皇帝誄

粵若稽古帝皇誕受休命作我晉室赫赫文皇配天
竝日大行龍飛創制改物沉恩汪濊流澤洋溢上齊
七政下綏萬邦四門穆穆五典克從惟清緝熙於變
時雍愛盡事親教加百姓于喪過哀在祭餘敬后蠶

冕服躬籍案盛六代畢奏九功咸詠行敦醇樸思貫
玄妙蒞政端位臨朝光曜胄子入學辟雍宗禮國老
恂恂貴遊濟濟莫孝匪子莫悌匪弟化自外明訓法
以禮獮彼吳楚稱亂三代世歷五僞年幾百載邊垂
虔劉王化阻閔羽檄星馳鉦鼓日戒帝御群師奉辭
奪旅腹心庭爭爪牙疑沮天監獨照聖策乃舉朝服
濟江止戈曜武野無交兵役不淹月僭號歸命稽顙
晉闕邪界蠻流傍納百越表問旌善德音爰發虞人
獻箴周書垂誥酒懼其彞獸戒其冒於我大行縱心

所好動不踰矩性與道與厭厭酣飲樂不辨顏桓桓
振旅田無遊盤我德如風民應如蘭靡不夙夜無敢
宴安務農望歲時或不稔小心翼翼恤民以甚御坐
不怡撤膳賑廩西流垂精南金抑施永言孝思天經
地義問誰贊事英彥髦士問誰翼侍博物君子潛明
神鑒從衆屈已道濟羣生爲而不恃先天弗違後天
降時萬物熙熙懷而慕思顛顛縉紳不謀同辭巖巖
岱宗想望翠旗恭惟大行功成不居議寢封禪心棲
冲虛策告不足太平有餘七十二君方之蔑如思樂

天德等壽萬華如何寢疾背世登遐遷幸梓宮孤我
邦家龜筮既襲吉日惟良永指太極寧神峻陽群后
擗踴長訣輶輅聖靈斯顧豈伊不傷家無遠邇邦靡
大小四海供職同軌畢會茫茫原野亭亭素蓋縞輅
解駕白虎弭旆龍輜卽定玄闈載扃如天斯崩如地
斯傾哀哀庶寮煢煢自愍彼蒼者天胡寧斯忍聖君
不返我獨旋軫

南陽長公主誄

昔唐女嬪媯書叙釐降之美周姬適齊詩詠肅雍之
歌漢之新野以節義垂號千載伊晉之獻王以聰明
睿智考終定謚茲可謂母儀純備邁蹤古烈者已惜
乎不永背世湮沈爰託素旂式章徽音主之誕育既
纂洪胄德之休明亦固天授思心婉孌淑質純茂母
儀不忒內則靡疚肇自弱笄有馥其芬言告言歸作
合於荀在貴思降處逸能勤上虔諸姑傍接支嬪內
諧閨闕外和族姻終溫且惠淑慎其身積善餘慶啟
茲名胤厲以惠肅誨以柔順主實體化不言而信二
子遵式匪嚴而峻於穆獻后奕代熙盛重作大司黎

潘黃門集卷六
三
牧火正國之仁姑家之慈母天道輔賢宜享遐壽如
何短命曾不華首寢疾弗興繁榮摧朽嗚呼哀哉容
車戒路祖奠在庭駢駟躊躇服馬悲鳴皇輿親臨望
旗失聲列辟咸起灑淚霑纓嗚呼哀哉既次墓門降
柩升輜靈衣從風素幕生塵明燎守夜竦紼俟農噉
噉遺嗣煢煢孤臣號無廢音涕不輟巾

皇女誄

厥初在鞠玉盾華繁玄髮修曜蛾眉連娟清願橫流
明眸朗鮮迎時夙智望歲能言亦旣免懷提携紫庭
聰惠機警授色應聲疊疊其進好日之經辭合容止
閑於幼齡猗猗春蘭柔條含芳落英彫矣從風飄颺
妙妙弱媛窈窕淑良孰是人斬而離斯殃靈殯旣祖
次此暴廬披覽遺物徘徊舊居手澤未改領臆如初
孤魂遐逝存亡永殊嗚呼哀哉

太宰魯武公誄

昂昂公侯實天誕育八元斯九五臣茲六揜討逆節
折衝江湖走欽擒儉梟誕弊吳公于出征爰整其旅
壘未越郊麾不及舉秦涼獲又西戎卽叙他人之賢

譬彼丘陵邈矣公侯如日之昇泰山其頽寢疾不興
遐邇曷仰社稷焉憑生則榮易終哀實難靡不春華
鮮克歲寒於乎公隕率土含酸趙喪望諸列國同傷
秦亡蹇叔春者不相桃李不言下自成行德之休明
沒能彌彰

宜城宣帝誄

行成于已名生于人考終定謚實曰宣君祝宗蒞事
卿相奉引輕車整駕介士列陣鸞輅依容輜車升櫺

庾尚書誄

寬而能懷威而不猛化行如形民應如影瞻瞻虛坐
翩翩玄幕几席生塵空館寥廓

景獻皇后哀策文

於穆先后儷皇協運世宗之胤德博化先用儉禮峻
任妙隆周后亦母晉終温且惠其儀淑慎既慎其儀
克明禮教撫翼齊蕃訓成弘操其慈有威不舒不暴
乃家乃邦是則是效嗟爾艱屯仍遭不造靡恃惟妣
景命弗保心之云痛痛貫穹昊襲龜筮之良辰啟幽
房之潛隧整武駕之降牲結龍輶之縞駟望旂常而

崩摧披輻輳以增欵口嗚咽以失聲目橫迸以灑淚
邈兩絕於宮闈長無覲於彷彿

哀永逝文

啓夕今宵興悲絕緒今莫承俄龍輻今門側嗟俟時
今將升嫂姪今章倥慈姑今垂矜聞鷄鳴今戒朝咸
驚號今撫膺逝日長今生年淺憂患衆今歡樂鮮彼
遙思今離居歎河廣今宋遠今柰何今一舉邈終天
今不返盡余哀今祖之辰揚明燎今援靈輶撤房帷
今席庭筵舉酌觴今告永遷悽切今增欵俯仰今揮

淚想孤魂今眷舊宇視倏忽今若彷彿徒髣髴今在
慮靡耳目今一慮停駕今淹留徘徊今故處周求今
何獲引身今當去去華輦今初邁馬迴首今旋旆風
泠泠今入帷雲霏霏今承蓋鳥俛翼今忘林魚仰沫
今失瀨悵悵今遲遲遵吉路今凶歸思其人今已滅
覽餘跡今未夷昔同塗今今異世憶舊歡今增新悲
謂原隰今無畔謂川流今無岸望山今寥廓臨水今
浩汗視天日今蒼茫面邑里今蕭散匪外物今或改
固歡哀今情換嗟潛隧今旣敞將送形今長徃委蘭

房兮繁華襲窮泉兮朽壤中慕叫兮擗標之子降兮
宅地撫靈櫬兮訣幽房棺冥冥兮挺窈窈戶闔兮燈
滅夜何時兮復曉歸反哭兮殯宮聲有止兮哀無終
是乎非乎何遑趣一遇兮目中既遇目兮無兆曾寤
寐兮弗夢既顧瞻兮家道長寄心兮爾躬重曰已矣
此蓋新哀之情然耳渠懷之其幾何庶無愧兮莊子

為楊長文作弟仲武哀祝文

悠悠上天我獨何辜祖考早世兄弟幼孤備嘗艱毒
同集蓼荼父兮生我過庭靡聞母兮鞠我寧一苦辛

日顧日復我弟我身並自垂髮越于成人濬哲聰朗
純粹溫良烈烈清風邦族之望母氏劬勞庶爾之報
彼蒼者天子何不弔殲我令弟窮泉是造無父何怙
無弟何友莞莞此身哀哀慈母煩毒撫心思咎哀爾
薄祐逢家多阻弱冠未室盛年絕緒喪庭寥廓廬位
無主冥冥長夜窈窈玄宇當復何時見我仲武于以
祔之于其王公竟而有靈神其寧處

哭弟文

視不見兮聽不聞逝日遠兮憂彌殷終皓首兮何時

忘情楚惻兮常苦辛

傷弱子辭 并序

予之長安次于新安千秋亭而弱子夭感羸博之
哀乃傷之曰

柰何兮弱子邈棄爾兮丘林還晷兮墳瘞草莽莽兮
木森森伊邃世之遐胄逮祖考之未延咨吾家之不
嗣羗一適之未甄仰崇堂之遺構若無津而涉川葉
落永離覆水不收赤子何辜罪我之由

金鹿哀辭

嗟我金鹿天姿特挺鬚髮凝膚蛾眉蟻領柔情和泰
朗心聰警嗚呼上天胡忍我門良嬪短世令子天昏
既披我幹又剪我根槐如癭木枯菱獨存捐子中野
遵我歸路將反如疑迴首長顧

陽城劉氏妹哀辭

鳥鳴于栢鳥號于荆徘徊躑躅立聞其聲相彼羽族
矧伊人情叩心長叫痛我同生誕育聖王發奇稚齒
如彼名駒昂昂千里劉氏懷寶未曜隋和伊予輕弱
弗克負荷祿微于朝貯匱于家俾我令妹勤儉備加

卷六
珍羞罕御器服靡華撫膺恨毒逝矣奈何哀哀母氏
蒸蒸聖慈震動擗標何痛如之鬼而有靈豈不慕思
嗟哉往矣當復何時

悲刑生辭

周文公之苗裔予元舅之洪胄厲操確其不拔鄉譽
著而日就妙邦畿而高察雄州間以擢秀茂實暢矣
而休名未衍其財至貧其位至賤而死之日奔者盈
庭停予車而在郊撫靈櫬以增悲瞻輜容而想像曾
無覲乎餘輝送子兮境垂永訣路岐一別兮長絕盡

哀兮告離

京陵女公主王氏哀辭

猗歟公子季女惟王生自洪胄稟茲義方盼倩粲麗
窈窕淑良如彼春蘭吐葩含芳葩以霜隕芳以歎盡
彼蒼者天胡寧斯忍曾未弱笄無疾而隕官朝震驚
靡人不愍嗟爾母氏劬勞撫鞠恩斯勤斯是長是育
帷屏媚子奄離碩復哀無廢心涕不輟目于以祖之
于掖閨庭于以送之陵崗崔嵬僕馬廻眷旗旒旋飛
陽失暎晴鳥忘歸皎皎霄月載盈載微冥冥公子

一往不追長夜無旦孤魂曷依

為任子咸妻作孤女澤蘭哀辭 并序

澤蘭者任子咸之女也涉三齡未沒衰而殞余聞而悲之遂為其母辭

茫茫造化爰啟英淑猗猗澤蘭應靈誕育鬢髮蛾眉
巧笑美目顏耀榮若華茂時菊如金之精如蘭之馨
淑質彌暢聰惠日新朝夕顧復夙夜盡勤彼蒼者天
哀此矜人胡寧不惠忍予眇身俾爾嬰孺微命弗振
俯覽衾裯仰訴穹昊弱子在懷既生不遂存靡託躬
沒無遺類耳存遺響目想餘顏寢席伏枕摧心割肝
相彼鳥矣和鳴嚶嚶矧伊蘭子音影冥冥彷徨丘隴
徙倚墳塋

司空鄭衮碑

陳謨台階翼和鼎實顯績成於臺省清風暢於所蒞
故能老安少懷遠至邇親凡厥縉紳之士所以挹酌
洪流含咀英芳者猶旱苗之仰膏雨湛露之晞朝陽
也銘曰

於鑠元侯則天垂象弘操嶽峻宇量深廣允恭克讓

宣哲清朗有始有卒可大可久言由忠信行履孝友
光光金貂再冠其首赫赫皇符仍拆其部義格皇穹
德冠羣后清風顯烈沒而不朽

荊州刺史東武戴侯楊使君碑

君誕保靈和繼期載德宣哲清朗直道高尚若乃嘉
號推賢博愛濟衆邦黨服其義而縉紳慕其風于時
文后曆數在躬相國幕府實允華夏九德咸事俊乂
在官成君名器納字參軍宏略被於南國美化行乎
江漢西陵之役懸軍深入親薄寇壘躬行天誅既而
救兵不進糧盡道窮因乃憮然迴慮殿其衆而返雖
爲法受黜勲庸未崇而天下伏其勇世主思其忠

弔孟嘗君文

人罔貴賤士無真偽延入如歸望賓若企出握秦機
入專齊政右盼而羸強左顧而田競且以造化爲水
天地爲舟樂則齊喜哀則同憂豈區區之國而大邦
是謀瑣瑣之身而名利是求畏首畏尾東奔西囚志
撓於木偶命懸於狐裘

爲諸婦祭庾新婦文

潛形幽櫬寧神舊宇室虛風生牀塵帷舉自我不見
載離寒暑雖則乖隔哀亦時叙啟殯今夕祖行明朝
雨絕華庭埃滅大宵儷執箕帚借奉夕朝髮鬢未行
顧瞻弗獲伏膺飲淚感今懷昔懷昔伊何祁祁娣姒
感今伊何冥冥吾子形未廢目音猶在耳

潘黃門集卷之六終



律